

其親無列王命改司為起廳事特賜內樂以寵之錄
是座主視門生猶子門生視座主猶父師生之禮可
謂厚矣世久昇平專尚文教華俊相高察費寔廣武
至徵求郡縣累月乃辨恭愍王之已酉欲革斯弊悉
遵中朝會試之制而禁設宴歲甲寅光陽李公以政
堂文學掌誼貢士今侍中平壤趙公以大殿指論擢
中窺科時稱得人譽聞日播踐歷華要擢制誥於薇
垣振厲綱於栢府長秋官則恣憊屏息巡南服則侮
寇遐走人咸望其大用戊辰今主上殿下時為大將
仗義旋師平定內亂首擢公以長憲府而公盡心奉

公知無不為事私田以正經界振紀度以譽茲山
扶立恭讓以復王化中外滄然顛望至治庚午之夏
以門下評理而典文衡惟時光陽公嘗為檢校侍中
年俯八旬理健不棄清德功節儉未縉紳鑑識之精
而能得士福祿之昌而能享壽人莫不敬嘆遠壬申
秋恭讓失道自取顛覆公為亞相倡義定策推戴天
德以基萬世盤石之業功冠開國位加侍中貴既極
矣而事光陽恂々然執子弟禮彌謹光陽公率門生
請宴公子其弟作詩一絕賀拜侍中其同門及朝之
文士分韻賦詩聯為大軸其明年夏又與貢士夫門

生之德座三荀登美任一字試席亦以為崇况位冢
宰拜享試席者哉自有科舉以來未嘗有也兵曹正
郎宋因公同榜也來謂近口詩必有序古也此尤不
可不稱述其美子宜引其端近惟平壤趙氏世積仁
厚自貞肅公相忠烈王位冠百寮卓有偉烈世濟屬美
式至于今而公以伊呂之材講明六籍之文以禮俗
之學貫穿百代之史弘量有以濟物雅望有以鎮俗
威孚於司直德協於具瞻克紹宗聲扶翊王業事光
前史裕及後世是其豐功茂績銘鍾鼎而載於帛足
以垂萬世而不朽奚待夫詩人之詞哉雖然非淇澳

之風無以知衛武公有文之德非大明之雅無以見師
尚父鷹揚之烈則詩道之所開亦豈小哉故公之闢國
之功載在國史之筆尊師之道宜有諸賢之詩必於
事師厚之至也改以此而事其座主又以此而率其門
人推是道以施於人則人倫豈不厚而風俗豈不美乎
公之門人又多聞人達才則他日必有如公之事光陽
者以事公也無疑矣吁師禮之行而師道復明師道
之明教化之本也風醇俗美以臻至治必由此始三代
之隆亦庶可馴致矣輔相之業無大於此者故樂為
之序云洪武二十六年龍集癸酉七月日

送三興師遊方序 知安

曹溪寂安三興知解出眾學幻庵入其室赴極誠登其階名釋藉其戒律誦誦予嘗文而重之矣洪武壬申冬幻老示寂越明年春錄其德迹聞于上運命于子碑其辭因造吾廬者再矣將還碑曰吾道本一致入之有二途內則觀其心妙則參諸方二者循舉斯為得矣故昔祖師有九年面壁不以為久者矣八十遊方不以為憊者矣是二師者所觀已空所立已卓更無可進之步尚且自矜如此况學者乎福衣紅菴人承慈誨觀心之功經未着力遊方之志無幾于懷

但以師在不敢違側今吾師已矣後事畢矣雲游窮壤間遍歷奇勝窮遊極遠以償素志必知柏樹有西來之意畧初真渡人之木而後已也予知吾父吾將不得與子數相面敢告行子作而楫曰吁吾與師雲泥異履趣向異途師之志不可得而回矣師之行不可得而祝矣臨別悵然情發于中自有行不能已者是豈無所本歟即此未之師與吾一心也人與物一體也其原有有其施有存存在處皆具各有假嘗寧知夫動於冥塵而常靜履於汗濁而不染者不在於茲手是不必寒死其心浮雲其迹而自以為高潔也一宿

覺後務道之傳儻哀迷昧而惠臨子務刮目而待更
扣一說矣

心氣理三篇序

心氣理三篇者三峯先生所作也先生常以明道學
關異端為已任其言曰人之生也受天地之理以為
性而其所以成形者氣也合理與氣能神明者心也
儒主乎理而治心氣本其一而養其二老至乎氣以
養生為道教主乎心以不動為宗各守其一而遺其
二者也老欲無為不計事之是非而皆去之恐勞其
身以蔽其氣也氣苟得養則精神凝定雖有所事而

不害善之生釋欲無念不論念之善惡而皆遣之恐
勞其神以動其心也心苟得定則體常空寂雖有應
變而不擾吾之中故其物也嘗有所不為而其終也
皆無所不為也蓋當其有所不為也雖理之所當為
者亦絕之當其無所不為也雖理之所不當為者亦
為之是二家之學不陷於枯槁空寂則必汎於放肆
縱恣其賊仁害義滅倫敗理得罪於聖門大中之教
則一也若吾儒道則不然天命之性渾然一理而萬
善咸備君子於此常存敬畏而必加省察窮於心者
原於理則擴而充之生於欲則遏而絕之動於氣者

自及而直則勇往為之不直則怙然而退養其心以
存義理養其氣以配道義凡所思慮無非義理之當
然凡所動作自無非僻之得干其心之靈管手事物
之理其氣之大塞乎天地之間皆以義理為之主而
心與氣每聽命焉耳此儒者之道異於人倫日用之
常行於天下萬世而無弊先生常以語學者也雖然
義理之在入固為其大而心乃吾身之主氣亦吾身
所得以生者不得不重之也彼若釋竊明心養氣之
說誑誘愚俗故人多樂聞而信從之往二知道者雖
力言以闢之但斥其不合於吾道者而已故聞者猶

未知其孰為得失也唯先生究明二氏之旨而後折
以吾道之正故聞者莫不昭然若發矇異端之徒亦
有從而化之者矣此先生之大有功於名教者也於
是又述其意作此三篇以示學者其言心氣者皆用
二氏之語以明其旨盡底其蘊奧而的言之且其語
意渾然不見其有斥之之迹故雖使其徒觀之亦皆
以為精切而悅服之也及以理形之然後吾道異端
之偏正不待辨說而自明彼雖欲有言其將何以哉
此先生闢二氏固非徒然論列者比又非大厲聲也
極口詆毀者之比也抑或有人徒見其不斥也以為三

執一致故先生作此以明其道之同耳則非知言者也
故不得不撥鄙拙畧為註教又引其端以所聞於先生
者明之耳洪武甲戌夏

心氣理三篇後附集序

道之不明異端害之也吾儒尚賴先哲之訓以知異
端之蔽而往、有不能固守其道者亦林於功利之
私而已故高不濶於空虛則卑必流於污賤此道之
所以常不明不行而異端之徒亦指以為卑近而斥
之也且其善惡報應之効亦多參差不齊故善者以
怠惡者以肆而舉世之入習貿然論胥於利害之中

而不知義理為何物釋氏之徒又得售其回鑿之說
而人愈惑焉嗚呼道之不明也久矣欲人之無惑也
難矣三峯先生嘗有言曰辨老佛邪道之害以開百
世解譬之惑折時俗功利之說以歸夫道誼之正其
心氣理三篇論吾道異端之偏正殆無餘蘊愚已訓
教其意矣先生又嘗作心問天答二篇發明天人善
惡報應遲速之理而勉人以守正其言極為精切使
林於功利者觀之可以祛其惑而藥其病矣故又加
訓教以附三篇之後夫闢異端然後可以明吾道去
功利然後可以行吾道世先生之作所以關於世教

9289
19

39132

陽村文集卷之十六
為甚重而吾今日編次之意也觀者幸毋忽甲戌夏
陽村先生文集卷之十六



